



重修傅芳集題詞

吾華氏傅芳集。盼於第八世東湖公。我祖貞固

府君。奉父命纂成之。集中無溢詞。無贅語。要以

著姓俟來。後祖宗蕭脉之。源上嗣續。引之愈

長。愈。孝子之。不忍其親也。於先人。手口出。澤不

勝愛之。慕也。而况志事。耿上。昭。樂。簡冊。可。釋。恩

而。率。繇。者。歟。且。有。芳。可。德。者。其。至。德。駿。裂。沁

心。心。腑。激。揚。也。耳。目。如。古。栢。蒼。松。可。蔭。可。仰。雖



易也。猶傳也。苟無可傳。雖孝子慈孫。其曷敢私。
直與卮木同腐朽已矣。茲集之存。將使盲好者。
流連感歎。益堅其羨善之思。即不盲好者。亦愧
悚激發。漸革其匪彝之故。府君之意固深且遠。
已。數十年來。卷帙存者。十無三。板復磨滅。俱
遂湮廢。是故不可不亟修也。續修莫如遵祖。十
世以前。經府君纂輯者。無容更議。十世後有名
賢。詒傳錄人。全文無全文可錄者。倣府君譜傳

體。采輯志行。務從簡括。勿溢多漏。其續集中篇。
章更多繁複。多刪繁就簡。討覈詳確。無以浮文
失真。乃羨可貴。若夫潛德幽光。未經採錄。散佚
不少。朕直道在心。真是真非。斷不容混。其果孝
弟忠信。孚於家。允愜於衆者。亟宜續人。毋取遺
竿。以掩前美。善乎佩揚之言之也。曰表揚確而
標的正。標的正而趣向端。誅哉弗可易已。朕勗
族雖繁。風流雖遠。其尚有所稟承。罔或淪於不

振也夫。

通四支十八世孫允誥撰

華氏傳芳集目錄

通四支十八世孫允誥

允誠

二十世孫毓琮纂修

卷之一

孝祖

三一 第一世

四二 第二世

五八 第三世

千三 第四世

萬十一 第五世

慶三 第六世

慶四

慶五 本支

慶七

慶十

通一 第七世

通二 慶三支

通三 慶五支

通四 本支 慶五支

通五 慶三支

通六 慶四支

通七 慶十支

通八 慶七支

通九 慶四支

通十 慶三支

奇一 慶五支

奇二 慶七支

奇三 慶十支

奇四 慶三支

奇五 慶四支

卷之二

桂隱 第八世
通三支

淳二 節婦陳氏
本支
通四支

山心 通八支

淳七 通四支

瑞二 通七支

上四 通八支

方二 奇五支

東湖 奇五支

栖碧 第九世
本支
通四支

開二 通八支

禮一

阜三

卧雲

嗣六
通四支

全三
奇五支

卷之三

文一
第十世
通一支

謙二
通五支

貞固
本支

清二
通七支

曾二
奇五支

平五
通八支

謹一
通三節婦黃氏
第十一世

同一
通八支

永喜
貞固府君長子
大大房

樂勤
本支
椿桂山主穴

季諄
通四支

賓陽
通八支

添三
通七節婦朱氏
贅蘓之陽山

樂農
貞固府君第三子

思學
通四支

季謀 通四 節婦張氏

卷之四

宗一 永喜派 節婦鄒氏 第十二世

山桂 本支

止軒 通四支

友竹

通七支 添三子 居種之陽山

怡隱

大三房 西房

效勤

通四支 樂曲辰子

樂耕 永喜派 節婦樓氏

澹然

大四房

三省

大五房

朴素

奇三支 世居江陰

集義

存誠

涵養

第十三世

時葺

本支

愛菊

聽泉

聽竹

用齋

節齋

負齋

誠齋

靜庵

東牕

塞齋

竹友

南湖

第十四世

松巖

會通

東郊

本支

東洋

西野

慎齋

裕齋

南溪

雙梧

近齋

尚綱

文豫配節婦鄭氏

愚坦

樂靜
尚志

希尹

西巖

卷之五

竹坡

第十五世

南坡

東溪

三山

海月

肯齋

一桂

一竹

碧梧

晴山

如坦

守默

余溪

慕塘

仰靜
思省

嵩峰

第十六世

原齋

補庵

鴻泉

水西

鴻山

崑源

在川配節婦胡氏

豫庵

玉庵

養和

心古

省初

靜庵

晴宇

季潤配節婦浦氏

振溟

兩洲

少涇配節婦黃氏

茂才配胡氏茂和配馬氏雙節

明宇配節婦奚氏

如愚

卷之六

在溪 節婦陸氏 第十七世

有斐

承軒

元樓 本支

芝臺

濟川

玉溟

樹聲配鄭氏一門四節

二庵

希元配胡氏穀平配張氏雙節

海門

雍明

完素

本素

元甫配節婦顧氏

純吾

述古

企芸配節婦李氏

文吾

觀止

亨時配節婦葉氏

寅壽聘貞女楊氏

存仁配節婦朱氏

卷之七

循古

第十八世

懷原

白齋

玉如小酉珠庭三君子傳

心谷

燕超

汝佑配節婦浦氏

貞女貞蓮

賢母殷氏

伯闈配節婦徐氏

茂森配節婦李氏

冲吾 第十九世

晉所

玉成

守吾

烈女淑真

靜我

雲階 節婦浦氏

世炫聘貞女鄒氏

翰采配節婦浦氏

李支

聞修

吉甫配節婦馮氏

侗甫

涵冲 第二十世

卷之八

三祠事迹

三祠圖

宋元五大墓記

五大墓圖

陞科峰糧帖

墓糧公議

椿桂山記

椿桂山圖

膠山世墓記

膠山墓圖

宗譜舊序五首

楊士奇

羅玘

楊守陞

龔勉

高攀龍

傳芳集舊序三首

王立中

王與

袁尊尼

華氏傳芳集卷之一

華孝子傳

齊史

長樂郡
振鐸西
諸子書

李延壽

華寶。晉陵無錫人也。父豪。晉義熙末。戍長安。寶年八歲。父臨行。謂曰。須我還。當為汝上頭。長安陷。寶年至七十。不冠婚。或問之。寶輒號慟。彌日。不忍荅也。齊建元三年。表門閭。

華孝子故址記

高明

惠山寺之西偏。當泉水之上。有三賢祠。按志書。今祠址。華孝子所居也。初祠久廢。吳人王彬始復。倡建。既

成。則以三賢事刻石。且曰。初址實孝子故居。孝子之事。不以歿而不著。復礱其碑陰。以紀其事。章善也。按齊史。孝子名寶。晉義熙末。始八歲。父豪。戍長安。且行。謂曰。須我還。爲汝冠。後長安陷。父歿。寶奉命。至七十。不冠婚。或問之。不忍荅。輒號慟。彌日。建元三年。詔表其門閭。史載孝子事若此。蓋自西晉以來。尚玄虛。賤名檢。教弛法。敦波流風靡。而孝子獨能篤志行。終始不渝。其誠意惻怛。可以貫金石。干雲霓。若與宇宙日月同其久。於此見天之降衷。人之秉彝。不以衰世末

俗而有異也。孝子晉人。而志謂齊孝子者。蓋孝子生於晉。長於宋。歿於齊。當其一身。而天下三易姓。是時居朝廷有爵位者。朝事司馬。夕事劉。朝事劉。夕事蕭。恬不爲怪。而孝子奉父命一言。七十餘年。未嘗斯須怠。以至歿身不替。使當時有爵位者。其奉君命。恪官守。亦咸若華氏子。則晉當不爲宋。宋當不爲齊。而孝子宜不曰齊孝子也。凡遊於茲。憩幽林。酌清泉。臨風覽古懷。三賢之高風。慕孝子之至行。其素有志者。宜加奮勵。其未能者。則澄思革心。勉追遐躅。是則所以

樹碑之意云爾。夫人性一耳。有爲者亦若是。吾徒毋自怠。

題華孝子碑後

顏肅

華孝子故址在惠泉東。舊有祠。祠有碑記其事。歲久湮沒。鄉之耆欲重葺之。以勵風俗。備以聞縣。余旣令其族姓出貲葺祠於舊所。仍命工勒其文於石。會有來諭者曰。孝子遵父命不冠可也。不娶無後可乎。余曰。孝子之心誠孝矣。尚何言。當晉之季。南北分裂。君臣父子之義乖。守其命而不忘者。能幾何人。孝子以

幼而受命。老而不違。是固賢矣。古禮不冠則不娶。歸而冠娶。實吾父命。長安天遠。音問不通。吾惟冀吾父之歸。而或得如所命耳。歲月云邁。不幸終天。又何忍遽違命而自冠。且婚耶。蓋其心惟知有父命。而不計其身之有後矣。况考其家乘。孝子以弟寬之子。慙爲嗣。謂其不爲後計可乎。孝子之心誠孝矣。尚何言。且古之不告而娶者。以無命也。權也。孝子之固守而不冠婚者。以有命也。經也。蓋孝無定名。惟義所在。使當是時。受命於君父者。皆如孝子之沒世不忘。則其家

必不失墜。國必不分裂。綱常之義明。而世道豈不隆盛矣乎。余於此勵風俗。殆亦宜。諗者曰唯。故書於碑後。

無錫縣志二條

華孝子祠。在惠山第二泉左。唐以來卽孝子故址爲祠。後廢。宋王彬建。國朝景泰間。知縣顏肅重建。弘治間。裔孫輝燁等增修。萬曆元年。提學御史謝廷傑案行。有司春秋致祭。華坡。在惠山南。晉孝子寶所築。以捍水患。

私祀祝文

吳寬

維年月日。裔孫某等。謹以牲醴。庶羞之奠。敢昭告於先祖孝子府君。曰。仰惟純孝。著於南齊。聖朝秩祀。古典是稽。凡我後人。咸叨遠庇。耕食蕃昌。敢忘所自。物知報本。人當祀先。於禮爲宜。奉祀有田。百世相承。以孝爲訓。錫類之恩。永延後胤。尚享。

題孝子祠詩

周衡

憐君失怙蚤。豈願孝名傳。念父行時約。終天恨莫滿。不婚甘獨處。總角至稀年。情比王哀慘。清同靖節堅。

高風千載下。遺廟亂峰前。涕淚枯蒼栢。精誠格上天。
殘碑文字古。時祭子孫賢。弔古重來此。題詩一惘然。

又

顧諒

西風短轡出遲遲。爲謁南齊孝子祠。白髮滿頭猶未
冠。苦心千載不勝悲。寒烏夜宿庭前樹。衰艸秋連塚
上碑。我亦生平有深感。長歌獨灑涕交頤。

又

翟克讓

孝子精誠蓋古今。淋浪清淚日沾襟。嚴親見約歸時
冠。總角懷思百歲深。蘓武固持還漢節。伯夷端有恥

周心。九龍名族今全盛。喬梓參天萬木陰。

又

顏肅

山靈翊運久秘錫。天下泉品差第一。舊時隱者何處
尋。花林草樹春陰陰。文饒鼎食昔稱侈。水驛致遠乃
如此。華坡猶傳孝子名。高風凜凜揚古今。君父之命
不忍背。使我頑懦知深誨。

孝子祠四咏

裔孫恩

白尺孤高倚碧岑。今人仰止昔人心。千年白鶴歸來
後。窗外松聲月滿林。

成志樓

鑿就天工一鑑明。惠泉分入此池平。承流世世無休
匱。恬淡寒光到底清。承澤池

池間疊石架爲梁。梁下源源活水長。上遡源頭於此
始。因茲一脉永流芳。遡源橋

森森喬木雪霜姿。柯葉承恩雨露滋。根據九龍遺世
遠。密陰重覆子孫枝。遺蔭樹

孝祖私祀配享議

裔孫允誼

按唐肅傳。長安於晉末。屬後秦姚泓。義興十三年。劉
裕率諸將克之。留子義真居守。後爲夏主赫連勃勃
所寇。孝祖父計死是難。孝祖之痛心於是至矣。再考
家乘。孝祖弟諱寬。有二子。曰恕。曰慤。孝祖以慤爲嗣。
今雲仍累世。皆其裔也。夫孝祖直至性不可忍耳。祀
之廢不廢。何知焉。而承祧有人。嘿衍無疆之祚。仁親
者必有後。豈非天哉。孝祖耑祠奉祀。職在有司。而孝
祖父。孝祖弟。俎豆無聞。二三同志。皆謂宜於成志樓
上。爲三龕。孝祖父居中。孝祖暨孝祖弟。左右配享。春
秋祀孝祖。子孫翼日私祀焉。庶幾一堂嗣續。有以大
慰孝祖在天之靈。謹議。

第一世

三一府君宗譜傳

府君諱原泉。第三一孝子寶。二十一世孫孝子世居無錫惠山。至十八世孫榮仕宋。因家汴梁。實府君之曾祖也。靖康間。府君扈駕南渡。復歸無錫。占籍梅里鄉之隆亭。因上世譜牒不能考其詳。今畫宗系圖。自宋南渡。以府君爲第一世。云府君爲人。倜儻尚氣節。尤樂施與。初自汴還。道遇饑寒者。惻然謂其夫人曰。吾見其困苦。得不爲之拯卹乎。遂以囊貲予之。畧無

各惜居家以勤儉自持。教子孫循蹈規矩。有古君子之風。娶楊氏子。三暎。擘誓。

始祖祠祭田記

裔孫啓直

家之有祭田禮歟。曰禮也。蓋做圭田之意。創焉。圭者潔也。以奉祭祀。人主所以恤人臣之私。而不必人人之盡展其私。君子念其身所自出。朝夕不忘報本之恩。故薦之時。食矣。建之祠矣。而薦或浸至於替。祠或浸至於圯。故設之田。以計久遠。志不忘也。吾華氏之始祖者何。華之先。由春秋至孝子。以行旌。事載南齊

史。孝子十八世孫諱榮者。仕宋家汴梁。傳三世爲原。泉府君於靖康間。扈蹕南渡。復還無錫。家梅里之隆亭。是府君實我南渡之始祖也。一傳爲二世祖諱擘。再傳爲三世祖諱天錫。相繼敦詩書。崇信義。咸有潛德。迺世遠墓無可徵。每春露秋霜。瞻拜無從。夫志祊者。觸感疾藜。重本者。興思圯岫。水木之想。人人寧一息忘乎。萬曆甲午春。議建立家廟。創置祭田百畝。擇賢者第掌之。藉其所入。供祠祭費。餘以時葺理。兼祭掃。宋元五墓。植其封木。世世遵守。無有所墜。姪孫夢

麟等首任其勞。請余紀其事。余自南渡爲十六世孫。幸始祖之德。表揚於四百載之後。又樂族人盛美。再睹行葦之風。敬以田號銀數勒而登諸石。自今子孫歲時畢集。顧瞻祖武。起敬起孝。思登斯祠。與斯祭者。皆吾祖之體也。於是乎長幼尊卑之有序。於是乎詩書孝弟之相率。於是乎死生患難之相扶。人習於業。毋嬉而辱其先。家講於讓。毋戾而戕其本。千百萬禩。彬彬興起。得無與畦雲隴月斯田俱不朽哉。若祠之記有太史言在。

第二世

四二府君宗譜傳

府君諱曄。三一府君次子。第四二。沉靜寡默。奉親事上。修身齊家之道。迥異流俗。交游儒碩。訓子孫向善。背惡。謀生於畝。居梅里之隆亭。子一天錫。



原件短缺

P10

第四世

千三府君宗譜傳

府君諱智。五八府君子。第千三。志識過人。處事以德。義爲先。居家以孝弟爲本。不屑屑於細故。又能施惠及人。由是積善之深。致子孫久而彌昌也。生於宋乾道八年三月十五日。卒於嘉熙三年七月初六日。壽六十八。娶素氏。合葬黃門塘。子三。彥昌。詮。謙。

第五世

萬十一府君宗譜傳

府君諱詮。字君選。千三府君嫡長子。第萬十一。容貌
辭氣迥異常人。自幼穎悟。讀書務達與義。既長。爲鄉
之聞人。貲產埒封。爲常郡鉅族之冠。由納粟授將仕
郎。主無錫縣簿。五子益振詩禮之風。華氏之盛自此
始焉。生於宋開禧二年二月十二日。卒於元至元二
十二年十月二十日。壽八十。娶鄧氏。合葬隆亭大墳。
子五。友諒。友直。友聞。友龍。一雷。孫十五人。十通。五裔。

之派自此始。

第六世

慶三府君宗譜傳

府君諱友諒。萬十一府君長子。第慶三。才行兼美。宋理宗朝徵爲朝奉郎。辭不受祿。退隱於故園。以優游於蔗境。生於宋紹定元年五月十一日。卒於元大德十一年十一月二十一日。壽八十。娶戴氏。繼氏小。葬隆亭先壟之西南。子五。珦。瑞。琪。玳。瑛。



原件短缺

P14

監稅華公墓碣銘

揭奚斯

君諱友聞。字起濱。第慶五。曾大父天錫。大父智。父詮。皆以孝義長於一鄉。兄弟五。人行居三。獨敦慤靜固。退然若無能者。然不言則已。言則達事而稱情。郡有大訟。或以告君。君索其情。審其勢。曰。聽我則然。不聽後當然。且訟終凶。聖人所戒。犯聖人之戒。快一己之欲。大則毀家。小則辱身。果何利而爲之。不忍故也。忍則無訟矣。故君子忍之爲貴。聞者徃徃自悔自責。而止浙西財賦府。歲役人督其賦。賦無豐凶。必取其盈。

而又旁緣者衆民不能堪。不北走淮則東入海。一家
役卽一家破。而役且及君。君受之不辭。役終更賦不
耗而民不病。天下征商而無錫。課嘗不登。有言其才
於行省者。署監無錫稅。乃自克以先之。薄征以來之。
弊無不除。而商自不欺。惟其不欺。是以弗虧。歲終同
列。欲上其贏以爲功。君曰。幸不致敗。毋重貽後人無
窮之禍。今歲以爲贏。明歲則以爲常矣。衆怒。咸欲中
以事。遂去之。然計卒不行。而君竟終其身不言祿。有
別墅在嚴埭。環埭之民。男怠於耕。女怠於織。強者遊

手未作。冒刑觸法。弱者田蕪。杼空。饑寒不給。君乃竭
力而耕。教以盡地力。率衆而績。教以勤女工。禾麥倍
登。布帛充盈。民皆頷自。怨曰。華公憑藉世業。猶勤若
此。我輩生長農畝。怠惰自安。何以爲人。於是男服稼
穡。女事蠶績。數年之間。民物和裕。由君化之也。生宋
淳祐二年。卒元皇慶二年十月二十日。年七十二。配
袁氏。賢而好施。天曆二年。浙西大饑。出粟三千斛。以
濟。曰。此吾夫子之心也。年九十一。葬堠陽西原。厚本
之束。子三。瑜。璞。璠。孫男十二人。曾孫男二十人。玄孫

男十一人。自君一門五世。男女至八十有六人。禮義相先。榮名相輝。有德以培之也。是故貴者賤之維也。富者貧之依也。君子者小人之歸也。以貴凌賤則危。以富棄貧則離。以君子而絕小人則携。故能使賤不失其所維。貧不失其所依。小人不失其所歸。豈非國家之至幸哉。吾於華君深有感矣。銘曰。才足以致身。政足以化民。而生非不辰。而終乎隱淪。以遺後人。

慶七府君宗譜傳

府君諱友龍。字起淵。號指泉。萬十一府君第四子。第慶七。宋理宗朝由庠序起家。初授含光縣主簿。陞授處州路錄判。至大元年。宣授將仕郎。揚州通泰二州屯田提舉。蒞官有聲。生宋淳祐五年九月初一日。卒元至大二年十月二十一日。年六十五。配王氏。葬隆亭先壟之西。子二。琳。珪。

慶十府君宗譜傳

府君諱一雷。字霆震。號指山。萬十一府君第五子。第
慶十。美髯長軀。器量恢廓。見義勇爲。孝友兼至。諸子
百家之書。靡不精究。尤長于春秋。歲收租二十餘萬
斛。不挾富以驕人。元以明經見徵。初授信州象山書
院山長。轉鎮江濂溪書院山長。世居隆亭里。生宋淳
祐八年正月初一日。卒元大德十年九月初八日。年
五十九。配高氏。葬呂店橋之東。子二。玠。璋。

爲華霆震寫竹并題

趙子昂

不是西村雨氣昏。風梢攪碎一川雲。武夷洞裏人應笑。三尺生綃館墨君。

題子昂贈華靈震竹

韓鏞

松雪道人心筆俱清。濂溪山長才學集英。維清維英。神契道凝。揮此秋影。以寫其情。

又

袁桷

高風法清聖。直筆師素王。湛湛玄雲姿。靈籟生虛房。解珮白玉京。誓將泛滄浪。所懷歲寒友。臨分贈琳琅。又 貢奎

瀟灑一枝玉。葉葉是清風。誰知落筆意。真與此君同。

又

焦鼎

長風生絕筆。老管拂新梢。中抱雲和曲。何人續鳳膠。

又

鄭元祐

公騎箕尾上青天。飛墨如雲不計年。何況蕭蕭北窗竹。秋聲長爲寫清妍。

又

張起巖

道人胸中松雪寒。墨池時出青琅玕。熏爐相對一夢足。直作渭川煙景看。

又

陳旅

高人石上種琅玕。藥院秋晴共倚欄。盡送軒轅裁鳳管。小窗分得一枝看。

又

倪瓚

籊籊生綃寫竹竿。愁看風雨濕空壇。風流誰識當年意。萬里滙波煙景寒。

第七世

通一府君宗譜傳

府君諱珣。字希珍。慶三府君長子。第通一。為人尚淳朴。甘淡泊。以農為生。生宋寶祐二年七月十六日。卒元至元十八年正月初七日。年二十七。配吳氏。葬戴墅。子二。灼。燿。

通二府君宗譜傳

府君諱瑞。字儒珍。號梅嶺。慶三府君第二子。第通二。秉性耿介。無阿諂矯揉。作事克循規矩。生宋景定元年十二月二十五日。卒元延祐三年十二月二十七日。年五十七。配鄧氏。葬祖塋之側。子一鉦。

通三府君宗譜傳

府君諱瑜。字懷珍。慶五府君長子。第通三爲人。儻樂善。施予之心。衆莫能及其。後子孫顯榮于世。迄今猶爲蕃衍。先世積德而致然也。生宋景定四年五月初十日。卒元皇慶二年七月十九日。年七十五。配楊氏。葬羅村永思菴。子三。鏜。鏗。銳。

通四府君墓銘

王 潛

華氏之先。出宋戴公。肇自考父。別于大宗。食采于華。以邑爲氏。傳子逮孫。世爲卿士。常之無錫。公之世籍。晉孝子寶。著名于邑。公大父銓。父曰友聞。璞公之諱。其字德珍。幼有美質。不煩師教。平居沉靜。寡于言笑。出與事遇。剖析是非。具有條理。無失毫釐。年登六袞。毋故無恙。先意承志。惟其所向。兄弟子姪。合食同居。處之盡道。家庭穆如。奴隸有過。亦爲掩覆。托以他事。遣之使去。世降俗弊。豢于富驕。公矯其失。疏食緼袍。

薄已厚物。樂施毋靳。族姻之貧。時加存問。或辭不受。輒爲愀然。懷金遺之。戒以勿言。推已之善。及乎鄉隣。敦本抑末。言之諄諄。人有鬪訟。必論以理。啓其良心。俾悟而止。或以貲產。訴于有司。曰。汝姑退。歸而自思。兄弟錢財。孰輕孰重。吾償汝欲。汝毋妄動。其人悔謝。雍穆如初。一家之讓。化行里閭。歲適大祲。民食不足。時方有詔。以官易粟。公輸千石。遺榮弗居。山陬海澨。以教以娛。或走京師。薦于當路。授公總管屯田打捕。寵以右階。進秩校尉。秩則三品。視郡長吏。有隕自天。公懼且疑。卒辭不就。老于布衣。至順改紀。二年辛未。四月癸酉。乘化而逝。六十有七。壽匪不多。年不滿百。命也奈何。重紀至元二年丙子。九月丙午。葬所居里兆。其墓位。冷村之原。有崇一丘。式固且安。同里王氏。公之原配。歿先于公。十有九歲。子男六人。嫡長野僊。以疾早世。婦節克全。次鎮鎬。鈞鏐。鑑。又次。冢孫幼武。實承宗祀。爲之狀者。陳君子貞。以授幼武。使來謁銘。潛弗敢批。勒此貞石。發其幽潛。昭示無極。

華處士遺事

孟 橦

處士在里閭。當時富人大家。角立相叅錯。一弗與較。事有闕衆議。卽爲言某宜如是。某宜如是。不爾且有。害衆信服。無或違。里中凡析產。恒請于處士。旣析。咸稱其平。或以遊獵獲罪。其父處士就與語。曰。爾人子也。何乃不共子職。而從禽獸荒嬉爲。其人慚且懼。則訴家君。顧不我恤。誠無聊。不然何以樂此。處士曰。此易事。吾周若若。悖常亂俗。則人所不容。謝曰。不敢。父子遂如初。有蒞政未幾。從處士貸若干緡錢者。未償而卒于官。處士深憫之。厚其賻。而焚其券。復時周其家焉。處士家居簡素。親戚時時過從。飲以茶菴。少焉出果蔬共食。不過一味。良久又命酒。一再行卽止。無他殺異品。獨憫幅效送迎語。惻惻入人心。彼問此答。未嘗有毫髮間阻。客有揖別。跨驢而敝衣見。亟追止之。遺以錢帛。客頓首謝出。望外。處士見人務生產作業。必爲之喜。有藉博縱飲廢事者。每誚責之。由是悔悟。乃爲貫其所貸。雖緡錢累萬數。不吝孜孜告語。皆扶植有益之說。常曰。吾終不可獨厚。族人售田。每命子弟豐其值。不忍之色。見諸顏面。願兼并者。卽推與。

之。或相與爭所近田。處士曰。是于吾田亦近。卽割所
有以息其爭。其有不能自守者。常語人曰。吾族賴有
四處士。尚可維持之也。蓋處士行第四。故云。常所任
使。有功浮于食者。至歲時相勞。必優異之。故人樂爲
之用。處士歿已久。其屬語及。猶感泣不忘。論者以爲
處士雖有力。其所以服人心者。則以德耳。一時長老
聞其風。願以爲弟子。稚弱願以爲父兄。非賢德素著
能爾也耶。種師張存耕先生。今之醇儒也。處士之先
君聘爲塾師。處士從賢父師之教。故其賢德懿行如
此。余嘗寓居惠麓。徵諸見聞。益信。伏讀黃公晉卿所
銘。猶未免有遺軼之嘆。敢叙一二。以補其遺。庶幾他
日。備載史傳。爲後人勸焉。

通五府君宗譜傳

府君諱琪。字奇珍。慶三府君第三子。行通五。乘箕裘之業。而高風大振。鄉里以善人見稱。生宋咸淳元年十月十三日。卒元大德二年九月十九日。年三十四。娶于氏。葬張巷之南。子四淵。潭。湘。沅。

通六府君宗譜傳

府君諱珙。字至珍。號梅所。慶四府君長子。行通六。讀書尚義。家產甲于郡之右族。授宜興所茶園正提領。生宋咸淳二年十二月初十日。卒元至正七年六月初七日。年八十二。配錢氏。葬將仕墓西子三煥山楠。

通七府君宗譜傳

府君名玠。字宜珍。號雲溪。慶十府君長子。第通七。長
軀美貌。稟性弘達。讀書尚理義。益振家聲。所居之旁。
構房廊三百餘間。俾貧無居室者居之。建義塾。延師
訓宗族及鄉里之子弟。招醫士施藥。以濟貧病之人。
屢發粟賑饑。治橋梁葺道路。利人之事。不可枚舉。元
以文學見徵。初授吳學正。陞長安織染局提舉。以親
蚤世。不得終養。爲恨。建資敬道觀于父墓之旁。歲出
粟千斛。延羽士以奉祀事。世居梅里鄉之隆亭。時三

吳望族富而好禮者。以府君爲巨擘也。生宋咸淳四年三月十三日。卒元至正十五年五月十五日。年八十八。配徐氏。葬後賢涇子四。鑑。鉞。鏞。鉄。

資敬觀記

陸文圭

資敬觀者。隆亭華氏宜珍昆弟所建也。觀以居道家者流。而名出于儒。何也。華儒者也。儒者曷爲乎從道。非慕道也。慕親也。宜珍之父指山君。力本以起家。力學以起宗。所樹立甚宏濶。里閭稱德人。不幸中壽以歿。窆于梅里之呂橋。厥施旣遐。二嗣競爽。追孝于前

人。乃闢地墓旁。築道士之廬。河橋縈迴。地勢亢爽。松柏茂蔭。水竹靚深。過此橋者。望之如化城之居。鐘磬聲時出林杪。居人指曰。此資敬之觀也。夫敬一也。邇之事父。遠之事君。孝可移而忠。能竭其力。則能致其身矣。傷哉華氏之親。不逮養也。而猶幸雨露休惕之懷有所托也。事親之日止矣。而猶幸事君之日長也。華君致遠之器。自今展拓此敬。施之于家。則男女正位。勿嗜嗜也。施之于朝。則責難陳善。勿沓沓也。施之于民。則經營盡瘁。勿燕燕也。是爲資敬之義。豈曰黃

冠雅拜。祝聖人壽而已乎。豈曰深衣坐講席。爲國人
矜式已乎。存之以不倦之誠。續之以必葺之勤。保之
以勿墜之訓。則此觀與天壤俱存可也。或曰華氏之
先有隱德焉。其子孫又封崇之。九原可作。安知其不
翹颺風而上征。載雲旗。驂玉鸞。以就羽人于丹丘乎。
而睠睠乎此土也。曰是非儒者之言也。夫孝子不死
其親。而非此之謂也。劉盛讀孝經曰。誦此能行足矣。
焉用多讀而不行乎。嗟哉。此儒者之言也。宜珍名玠。
爲學正。與弟璋俱以孝友聞。

通八府君宗譜傳

府君諱琳。字可珍。號玉山。慶七府君長子。第通八。壯
年挾材藝游京師。授進義校尉。淮安路屯田打捕提
舉。晚年致政于故園。生宋咸淳四年三月三十日。卒
元元統二年七月十四日。年六十七。配于氏。葬將仕
墓西。子五。椿。樟。梓。檜。杞。

祭通八弟

兄德珍

昔我壯年。凡吾兄弟。未一再從。戢戢如綴。雲行筍立。
掩靄屬袂。孰不激昂。翕然砥礪。昆居季出。氣爽神銳。

胡未三紀髮不成髻壯者日來老者日逝顧瞻左右
痛極難制行列單薄視昔若薤我每指數尚四三計
况若吾弟知固其蒂專氣夜存功闕象帝我意他人
洪恣侘際倏忽天折莫抽其閉弟乃端居神明呵衛
允集繁祉疇敢爲厲如何蒼天遂降此戾且我高曾
縱不百歲亦登中壽奄然甫窆云胡吾弟而年弗逮
康健自喜禍起一蹶念弟生平中夷外劇砉然剗
觸事朗詣奮力飛揚踵還翻擺豈不跼跼卒自凝滯
天地生物舉有隆替所以大觀不役于勢弟雖往矣
耿耿目際如聽我辭如臨我祭嗒然而化奚有所繫
奠酒興懷潸然吾涕嗚呼哀哉

又

兄宜珍

人生信宿石火飛煙吾弟之生六十七年人誰無死
我胡潸然繫昔吾宗簪纓代傳吾弟繼之手聯組綿
驥足暫展疾鞭遽旋陶令柴桑王維朝川嘯傲煙霞
月酌雲眠旣豐其家以禮待賢間蓄藥瓢濟世沉痊
不爲利誘不爲勢牽浚經酌史肩雄葦遷朝真養神
金井芝田桂子桐孫誥誥滿前牽衣輓髮薦甘割鮮

我諸弟昆時相欵延花外小車柳邊釣船尊酒詩篇
靈運惠連風亭月榭穎濱坡仙所樂者全所全者天
胡爲徂秋疾不汝憐遽棄榮養長往九泉於乎痛哉
春回金塘兮景物暄妍百卉紛芳兮隸萼獨菸憶子
不見兮老涕滂漣醜於卮兮村醕載于俎兮牲牲冀
遊魂之來歸兮監余情之拳拳

通九府君宗譜傳

府君諱璟字原珍號竹友慶四府君次子第通九奉
親以孝教子有方周人之急宋授德清茶園正提領
生宋咸淳五年五月初三日卒元至順三年四月十
五日年六十四娶浦氏葬將仕墓西子四輝炤炫燧

通九府君宗譜傳
府君諱璟字原珍號竹友慶四府君次子第通九奉
親以孝教子有方周人之急宋授德清茶園正提領
生宋咸淳五年五月初三日卒元至順三年四月十
五日年六十四娶浦氏葬將仕墓西子四輝炤炫燧

通十府君宗譜傳

府君諱玳。字世珍。號西巖。慶三府君第四子。第通十。性敦厚。不尚華靡。俯仰之間。無愧無怍。咸欲舉爲世用。辭而不果。遂隱約終。生宋咸淳五年八月十四日。卒元至順元年九月十二日。年六十三。配蔣氏。子一濟。

奇一府君宗譜傳

府君諱璠字仲珍號養閒慶五府君第三子第奇一賦性穎敏雖生于富饒不事統綺之習以通經舉為常州路總管府判官政聲見稱于時所著有養閒詩集生宋咸淳九年八月十九日卒元至正二年七月十七日年七十一配浦氏繼錢氏封宜人葬堠陽清寧道院子三晟昇昇

賀養閒華君受封

尤心之

回鸞紫誥來九天高門畫錦光赫然此翁平生樹蘭

玉政似穠。裝成豐年。教忠拳拳。寸心赤紵。朱之褒蒙。帝力華堂。榮養列鼎。茵始覺生男。真有益。園林花竹。宜養高。延陵別駕。非凡曹。寬邁自處。碩人樂。鞅掌不涉。從事勞。綠衣趨庭。官日貴。椿萱勲爵。重州里。男兒顯親。要如此。區區老萊。何足擬。

府君題梅林寺

五年三度過村莊。拂壁留題認數行。人語衝開鶯語滑。花鬚熏透蝶鬚香。妓應笑覓菩提水。僧亦行供般若湯。一路醉吟誰與共。緩敲金鐙岸華光。

奇二府君宗譜傳

府君諱珪。字時珍。號玉溪。晚年又號獨善人。慶七府君第二子。第奇二。授湖州長興茶園所提領。盡誠于職務。生元至元十五年八月初二日。卒至正二年十月二十一日。年六十五。娶鄒氏。葬隆亭。子一。檀。

贈玉溪華君好義序

陸文圭

昔馬文淵少有大志。就邊郡畜牧。積穀數萬。既而嘆曰。凡殖貨產。貴能振也。否則守錢虜耳。乃盡散施人。轉遊隴蜀。尋仕洛陽。爲建武名臣。封侯取印綬。人皆

榮之其弟少游獨詣然曰士生一世但取衣食才足乘下澤車御款段馬死守墳墓鄉里稱善人可矣後伏波征交趾住浪泊西里間仰看飛鳶跼跼墮水卧念少游平生時語何可得馬氏昆季所見不同出處亦異未見有文淵少游合爲一人如玉溪華君者也華氏錫山巨族君尤奇偉不凡喜賓客重然諾輕勢利義著閭里名聞江浙朝廷嘗命以品官家居養志優游自得傲睨物表己巳庚午間旱潦相仍歲大稔蒙袂緝屨者相枕于道君惻然憫之發倉廩左殮

右粥一境賴以安憲府聞而薦剡民懷其惠士誦其美爭爲歌詩余謂救荒之政權在上則順而易在下則逆而難然出于官吏之手則又有歛散不時抑配不均之患出于卿大夫士則無侵欺之弊而實惠及民矣然大夫之賢士之仁者未易遇也華君可不謂賢且仁乎或曰在禮家施不及國陳氏以家量貸以公量收春秋譏之殊不知子貢在聖門以一布衣而問博施濟衆聖人告以立己立人達己達人蓋講明者學施行者政使子貢爲百里宰安知其不能施濟

特志其不能博
且取耳分有窮
達仁有大小

特患其不能博且不足分有窮達。有大小勢使然也。余年八十終窶且貧無復當世之志。異時有綸巾少年如周郎者來求貲糧君家何止兩困其指一困以與之否。

府君書懷

六十將來老奈何。一生塵夢暗消磨。夫妻舉案鬢成雪。兄弟離群淚作波。滿眼兒孫親翰墨。知心朋友共弦歌。人生志氣止如此。惟恨雙親報未多。

奇三府君宗譜傳

府君諱璋。字谷珍。號月溪。慶十府君次子。第奇三。剛勇克守禮義。富不逾于奢侈。作事咸得其宜。人稱爲善士。生元至元十六年八月十五日。卒至正十三年六月十三日。年七十六。娶羊氏。葬亂墩浜。子二。鎰。錡。

府君資敬觀田租記

余承前人餘慶。襲箕裘之業。顧惟鞠育深仁。欲報罔極。不能守志廬墓。手護松楸。親捍採樵者。以誓畢此生之願。規墓旁地。置萬家。河流經其左。蔭以修竹。

可置萬家

樹之佳木。垣而築。構宇于其上。延道流居之。請于朝。以甲乙住持者爲例。晨夕香火。上以效封人之祝。下以存豐氏之祧。又慮春秋享祀。無以供粢盛。而飭粥于是者。無以糊其口。惟是先疇之畝。不敢愛藉。而寘之觀中者。爲頃三十有奇。爲租一千石有奇。爲稅鈔四十五兩有奇。爲麥百四十石有奇。制其出納。爲之品節。羨餘則以給創修之費。後嗣之賢者。斥而廣之。以成吾志。其不賢者。勉而守之。毋去其石。毀傷其薪木可也。昔李文饒記平泉莊。有毀吾一樹一木者。非佳子弟。而洛陽之亂。醒酒石已爲監軍所得。劉夢得遊玄都觀。桃花千樹。後十四年重來。則兔葵燕麥。蕩搖春風耳。世代相尋。人事相感。令人悠然興嘆。由前之說。吾子孫責也。由後之說。觀中人責也。乃刻規約于左方。皇慶元年壬子四月立石。

奇四府君宗譜傳

府君諱瑛。字廷珍。號梅窗。慶三府君第五子。第奇四。處居田里。樂善好儒雅。不喜仕進。生元至元十六年十二月二十一日。卒元統二年十月二十日。年五十六。葬芙蓉山李氏。葬芙蓉山子五。浩濬澄潛沂。

奇五府君墓誌銘

宇文諒

君諱琇。字厚珍。考桂軒母周氏。君其第三子。生而質美。十歲卽好學。問父嘗奇之。曰。昌吾宗者。必是兒。母周以君側出。愛殊于嫡。君知之。孝不少衰。家素饒。父歿。兄弟析之。以君庶弱。惟與田土十之二。他積藏無有。君受之。怡然不競。奉母愈謹。及周歿。喪葬之費。一與嫡等。後兄墜其業。告急時。周之無德色。家人或諍其所假不歸。則呵之曰。汝輩豈知難得者。兄弟耶。迨其兄死。復資之以供喪事。由是孝弟信于鄉黨。僉曰。

是真可爲孝子後矣。性嗜儉約，衣不純彩，食不兼味。然于賓客之奉，貧乏之與，養生送死之道，則莫不盡力爲之。平居以禮自持，歲時伏臘，雖燕享終日，凝然不欬。嚴于訓子孫，而人忤之則不愠。晚益好讀書，根究義理，有得輒喜，曰：吾昔有未至，今得之未晚也。每良辰佳日，則深衣幅巾，逍遙池圃，或從方外士遊，不求苟合于世。故賢士大夫多重君者。處士嘗舉于集賢院，號清逸處士。又自稱曰松隱老人。生于元至元十九年六月初六日，卒于至正十七年閏九月初九日。年七十六。配浦氏，賢而孝順，善治內。子三：晞賢、晞晉、晞顏。葬黃門塘高祖墓右。其孤晞顏往在京師，余助教國子，嘗從余受學，爲諸生，故來請銘。銘曰：旣孝而弟，順德孔萃。先民之裔，先民有傳。益光于前，不匱其延。

華氏傳芳集卷之二

第八世

桂隱府君宗譜傳

府君諱鏐字子英。號桂隱。通三府君長子。授承事郎。涿州管民提舉。具曠逸才。善吟咏。築別墅于西郊。有溪山勝槩樓。詩卷傳後。生元至元二十四年四月初四日。卒洪武二年十一月二十九日。年八十三。配楊氏。繼周氏。葬羅村父塋之側。子二。豈嶽。

題桂隱溪山勝槩樓

王立中

青溪遶檻環冲融。遙山對席分巖嵒。如何九衢塵霧裏。有此勝槩藏于中。白雲西來水東去。總是登臨佳絕處。向來無限過日人。竟誰能識其間趣。溪山知人不知華。氏公子能好奇。坐令萬態紛左右。無庸杖屨窮顛涯。乃知勝槩因人勝。勝處本非天所靳。爲君援筆賦新樓。許我來遊盡清興。

又

張憲

樓下清溪夏亦寒。溪頭箇箇白鷗閒。風回綠捲平堤水。林缺青分隔岫山。若士振衣千仞表。何人泛宅五湖間。絕憐與子同清賞。定向雲霄共往還。

爲桂隱畫雲山圖并題

高房山

雨後雲山雪後松。此中宜夏亦宜冬。十年遊遍西湖路。興入西南第一峰。

府君遊惠山二首

結軫西郊踐勝遊。禪房花木占清幽。山如有約年年好。泉本無心日日流。故宅幾經時世換。空門不管古今愁。登臨未快塵凡目。更上龍峰最上頭。百尺老龍卧山足。口吐清泉聲簌簌。山靈守護幾千

載存此方圓兩丸。玉渴來一勺。漱甘芳。洗盡凡心悅。
塵目。嗟嗟世無桑苧翁。茶經水晶品。誰能續。捫蘿試與
謁靈祠。惟見蒼苔鎖茅屋。人叻物在是耶非。長嘯一
聲煙樹綠。

又北遊書懷

好風東南來。送我京都行。方舟凌晨發。渺渺雲帆輕。
余年雖云邁。未解離別情。親朋爭追攀。兒女亦叮嚀。
男兒志四方。有淚安敢傾。惟當早歸來。松菊正敷榮。

淳二府君宗譜傳

府君諱鉉。字子舉。行淳二。通四府君長子。自幼不凡。
既長慷慨尚氣節。處事剛果明決。一無所撓。族黨務
以貲相雄長。府君獨不肯苟循世好。而有志自奮。與
達官貴人酬酢。未嘗有所退慝。承大父命遊京師。以
才受知于兩院使。共推轂爲都功德使。司都事。都事
官七品。以布衣進。下二等。當授八品文階。銓曹靳弗
與。府君亦不以爲歎。無何疾作。辭歸卒于家。生元至
元二十四年八月二十八日。卒皇慶元年九月初八

日年二十有六配陳氏勵志守制訓孤有成以節受旌葬羅村壽山子一幼武

旌表華節婦陳氏墓誌銘

俞貞木

節婦陳氏諱明淑故元都功德使司都事華鉉子舉之妻也子舉以疾去官卒于家年僅二十有六節婦時亦二十有八其孤幼武甫六齡甥姑常問所志節婦慨然涕泣答曰兒生三歲而夫銳志出仕不意早世古人有言豈以存亾而有二哉誓守遺孤以待其成立况有大人可恃斷不負之于泉下也甥姑憐其

節義愈加禮之嘗咨于甥延老儒以教子每諄諄訓幼武曰爾勉力于學他日有成父爲不亾矣事甥姑以壽終節婦爲冢婦事無巨細必親覽手錄性嚴重晨昏起居有常式能以禮待人介婦亦相尊奉百口同爨飲食衣服適均內外敬服于婚嫁喪祭則豐盛而自奉則適口體而已凡宗姻鄉黨孤貧必施予無倦其始能不負其夫而終能不負其所自誓都事君歿三十年有司以貞節聞于朝旌表于門曰貞節華婦陳氏之門當時名公鉅儒咸著文以述其事年六

十餘病而喪明。置諸孫于膝下。令口誦書傳故事。以自娛。尤鍾愛長孫完。鞿以其母鄧氏早世。躬自保抱。教誨其于婦道。毋儀蓋無忝焉。家值遺漏。居室貲財。燬盡。復遭兵變。避地東吳。皆自若也。忽遘疾。醫禱罔功。呼其子幼武曰。貧富命也。安危時也。老而死數也。又何憾焉。善訓爾兒。以保全于亂世。艱難之中。喪事從儉可也。翌日卒于舟中。達哉斯言。足以見其生平矣。卒之日。至正戊戌三月二日也。以至元己酉四月六日生。年七十有四。子男一幼武。孫男六人。初都事君之葬冷村也。與弟妹同垣。墓位失次。節婦存日嘗卜地于梅里之羅村。築壽山。將改葬而未遑。及節婦歿。以兵故弗克葬。權殯淺土。於是幼武以洪武五年壬子十二月十九日。遷都事君之柩。與節婦合葬焉。嗚呼。爲臣盡忠。爲婦守義。人之大倫也。若節婦也。生能配其賢。歿能守其義。是可銘也已。銘曰。三從之道。守義爲難。夫死不嫁。世教所關。善事明姑。教兒成立。旌表于門。鄉里是式。葬從夫穴。梅里壽山。銘焉無愧。刻珉萬年。

貞節堂記

于文傳

余昔忝朝蹟。預修史書。見所載忠臣孝子義夫節婦。未嘗不起敬起慕。筆之于冊。蓋以其有關於人倫風化也。既歸居里中。華子幼武過余。拜且言曰。幼武不天。先子由都事。以疾告歸。卒于家。時幼武未及亂。母陳甫二十有八。啣哀茹痛。勉事襄事。撫幼武泣曰。吾不幸喪吾良人。幸而有子。保養而成。就之。俾不墜先業。吾之願也。其自誓如此。後三十餘年。始終一節。鄉里具其事于州府。州府上之風紀之司。覈如所舉。遂聞于朝。命下。署于門曰。貞節華婦陳氏之門。一日。母謂幼武曰。向也吾自誓時。嘗指爾言。是藐焉者。其能有立乎。指室廬田畝言。是輪焉井焉者。卒能守而不失乎。指所樹桑梓言。吾獲與孤兒見其愈長而愈茂乎。皆未可知也。不自意式克至于今日。惟爾之身齒壯而嗣蕃。吾抱孫焉。爾宅爾田。且以日衍。桑之植。加多。梓之材。益偉。可不知所自哉。庶幾念其始。圖其終。而父爲不處矣。幼武謹受教。退則以旌其門者。各其堂。求學士大夫表章之。今翰林侍講黃公潛辱爲銘。

未有紀其事者。茲敢再拜以請。余旣嘉華婦之節。幼武之孝。因不復辭。考之西漢。潁川俗號難馴。有爲銛甬鉤距之術。探其奸以窮治之。而終不治。後爲立學官。導以禮讓。詳其教條。人便安之。迺王霸至郡。因其跡而大治。孝子悌弟。貞婦順孫。日以衆多。郡守聲名著于史傳。迄今猶想望之。無錫吳泰伯與季子恭讓之地也。世道日趨。時不古若。銛甬鉤距。無亦爲長民者累歟。則誣陷斥訐。習以成風。民益以難治矣。此非布教條。典禮讓。相率以孝弟貞順之時耶。華婦貞節。幼武克孝。甚矣有關於民風也。誠有善勸導人如次公者焉。必將自華氏母子始。若夫母訓之嚴。家道之正。則幼武前所言信而有徵。因以記斯堂。并告夫今之長民者。

貞節堂銘

黃潛

節婦陳氏。無錫華君子舉之室也。子舉弱冠登畿。未至立年而遽不祿。節婦甫二十有八。自誓靡他。今三十餘年矣。節婦旣老。而遺孤幼武。亦克自勵爲佳士。有司旣表其門曰貞節之門。幼武卽以此匾其堂。徵

銘于余。蓋凡可以顯其親者。無不爲也。銘曰。婦不二
天。人道之常節。至于苦。亦何可長。惟甘于節。百年一
日。恒其德貞。斯婦之吉。行修于家。匪蘄人知。扶善導
民。是在有司。爰旌其門。表于州里。華榜大書。彤管有
煇。化行俗美。比屋可封。罔俾栢舟。專美國風。我銘斯
堂。光昭令譽。壽考維祺。永保貞罔。

貞節堂詩

曾堅

齊姜爾勿譁。衛姬爾勿誼。屏爾妖以豔。聽我貞節篇。
貞節出東南。高門喬雲連。門上懸大字。勅書下天邊。

門中建大宅。堂宇何穹然。幽窗疏而閒。燠室靜且便。
琴瑟既不御。絲麻仍在前。嚴嚴白髮母。膏沐久棄捐。
趨庭子若婦。婦順子更賢。愉顏奉甘旨。禮節能周全。
清晨具箴食。莫膾赤鯉鮮。母乃大姬裔。豐容比飛仙。
皇畿功德府。夫子贊其權。中道拆比翼。寒霜凜炎天。
臨河洗紅粧。對日擿金鈿。何以喻貞心。南山石非堅。
歲運忽推改。于今三十年。天道有顯報。母壽名旣傳。
作歌在京師。庶以風八埏。

又

鄭以忠

銀臺烟冷鏡鸞孤。翠袖風寒竹色枯。鳳侶去承天上
詔。麟兒猶是掌中珠。渠渠已作舊梁棟。井井寧虧昔
豆區。賴爾淮陽賢太守。貞名得與古人俱。

又

閻相如

高天厚地間。惟人與竝立。不能明此誠。靈貴乃自失。
華氏貞節堂。常人焉可及。夫亾子尚幼。貞志堅若石。
今將四十年。所願成一誠。與天地通。暗助神有力。
作詩勉後來。積善事可必。

又

徐有貞

從一而終維婦節。貞以守之敬罔缺。豈伊厥德有汚
潔。家道因之以興歇。季姜知禮獨追尊。孟母擇隣軻
作哲。夏姬屢醮行無別。僂子戕夫家國滅。福貞禍淫
理昭晰。人紀天常所關涉。猗嗟華婦志卓絕。操行終
身皎冰雪。所天早失泣成血。鞠育遺孤心力竭。孤兒
長成復先業。曾玄綿綿衍瓜瓞。追維厥初祀幾絕。節
婦之德端可列。前朝旌門尚昭揭。閭里于今共傳說。
我其徵之在史牒。萬古千秋有光烈。

又

成始終

婦居三十載。無忝節義門。南齊孝子遺澤在。白日秋
霜操永存。教子成家傷早逝。提携幼孫良獨苦。燈前
雪夜把寒機。窗下晨霜織殘縷。玉琴不奏雙鴛鴦。寶
鏡不照雙鸞凰。翠蛾青鬢已成雪。芝蘭玉樹欣成行。
嗚呼。九龍之山青截薛。梁溪之水流不竭。妾志如山
不可移。妾心如水常清潔。

又

項 塚

正統丙辰冬。余擢知無錫事。訪文獻故家。咸首稱華
氏。華氏之彥思濟仁本思源。皆賢直好禮。不徂于流
俗。統綺之習。心竊重之。間日持其高祖母貞節詩卷
求題。余觀古賢婦。其節行堅貞。載于簡冊固多。子孫
之蕃衍盛人者。疑不多見。今華氏子孫誥誥濟濟。引
而未艾。則華母不惟節行之貞。尤見其德澤之厚也。
故表之為後人勸。復系之詩曰。獨撫遺孤守故廬。百
年志節可誰俱。前朝表異題華匾。烈日爭光照里閭。
蚤歲孀居勵所操。後來蘭玉盡英髦。乃知賢母多
陰德。不獨當年節義高。

山心府君宗譜傳

府君諱椿字子壽號山心通八府君長子壯年挾才
藝遊都下薦授太尉府知印雖獲小試不能展其所
蘊。晚年致政于家以林泉詩酒自娛有山心齋詩集
行世。序宗譜以傳諸後生。元至元二十八年正月初
四日卒。至正十七年十二月十六日年七十七娶鄒
氏。葬父墓後。子二。貞玄。泰玄。

府君族譜序

夫族譜之作。所以序昭穆也。昭穆序。則尊卑別。尊卑

別則禮讓生。禮讓生則彝倫位矣。彝倫既位。雖復百世親之于疎。富之于貧。貴之于賤。寧有失乎。自吾始祖之來。幾三十世矣。遠者既不可考。而吾之從兄弟。逮百人。雖各立名位。亦莫知其序。慶弔之間。富者禮則貧者不得預焉。貧者禮則富者不能屈焉。若此者。其不至途人也。幾希矣。噫。大矣哉。老泉之謂也。如其無譜。服盡則親疎。親疎則情盡。情盡則喜不慶。憂不弔也。宜矣。且吾族未艾。嗣加數世。瓜瓞之綿綿。子孫之螽蟄。貧者自貧。富者自富。富者未必欲賤貧也。而貧者自賤。貧者未必欲尊富也。而富者自尊。乃至于大事小。少役老。何則。勢使然也。雖欲辨之。未由也已。於是請諸族之長者而營是譜。欲明其原。而慮有失也。識者備不以贅。瘞而增考之。寔所望焉。自此以往。源源而來。必有後進之同志在。

淳七府君宗譜傳

府君諱鈞。字子所。第淳七。通四府君第四子。爲人淳樸。不尚華靡。一語一嘿。皆合矩度。執親之喪。極盡哀戚。爲鄉之儀表。生元至元三十一年五月廿九日。卒至正戊子四月十八日。年五十五。娶錢氏。葬冷村先塋側。子三宏。靜。肅。

順德堂記

陳潤

惟華氏遠有令緒。世居無錫之隆亭。族太以蕃。別遷于埃陽。視故居二里而近。仕武相望。聲聞顯融。巋然

爲喬木故家。余嘗館焉。主人德珍公。恂恂退讓。若不勝衣。率已恭儉。不言而喻。厦屋連雲。食指常數百。終日寂然。不聞人聲。童僕有過。不事譴呵。善遣之而已。旣去。他莫肯用。曰。是嘗得罪于華門者。其德化孚于人。若是。德珍與其弟仲珍。府判。兄子子英。翠壘同知。雍陸慎肅。奉其母太夫人甚謹。起居飲饌。必以時。壽至九十餘。子孫分行侍立。珠明玉映。法度循習。余然後知華氏之德遠且大也。旣余宰常山。歸又過之。德珍已祥期矣。弔問畢。坐定。其子子所謂余曰。自吾祖之居于是也。已三世矣。吾思祖父創始之艱。又懼夫子孫不知保守之不易。今名其堂曰順德。以昭示後人。俾朝夕省而知戒。子爲我記之。余曰。德之至順者。莫孝弟若也。今自吾一身而觀之。幼而保抱焉。提攜焉。愛親一念。真誠渾確。無他雜也。年旣長矣。娶妻有子。而愛移焉。愛親之心。得無少弛乎。又分而視之。若兄弟族姓。各親其親。各長其長。欲以合乎大順。不益難歟。乃今朝夕觀省。惟順德是務。豈惟能保其宗族。將以施于廣遠。亦易易也。順者德之本。和者順之效。

至和所孚。福有既乎。子所謙恭。好禮能下士。其兄子若子皆從余游。節儉不事裸飾。彥清尤好學而交厚。華氏之盛未艾也。於是爲之記。

瑞二府君宗譜傳

府君諱鉞。字彥揚。第瑞二。通七府君第二子。爲人行已接物。皆不渝故家禮度。生元大德二年。卒至正十七年年六十。娶徐氏子三沅汾淦女冬娘。以節烈著。烈婦冬娘事述

東湖

烈婦姓華氏。字冬娘。常之無錫人。承事郎提舉之孫。侍郎徐公憲之甥。從兄彥揚之女。幼間靜寡言笑。長適邑人鄒琪。事舅姑無違禮。至正丁酉。兵變家貧。無舟楫。女弱不解奔走。徬徨隨夫竄野中。兵追及。度不

能脫。顧謂夫曰。我義不受辱。君善自保。竟赴水自溺。兵人憐之。更與其夫引救出。則氣絕矣。時年二十五。

上四府君宗譜傳

府君諱檜。字子蒼。第上四。通八府君第四子。賦性和平。柔亦不茹。剛亦不吐。日用事物之間。皆中于矩。克世先業。人以為能子。生元大德二年。卒至正十八年。年六十。贅周氏。葬戴墅之東。子二。顥。顛。

翠錦堂賦為子蒼華公作

楊維禎

繫孝子之舊族。為簪笏之名門。種深德於前人。述餘芳于後昆。美第宅之輪奐。儼高堂之獨存。揭佳名于翠錦。娛日賞于朝昏。瞻修竹于春林。藹綠雲之曉屯。

侵淨色于書幌。過涼陰于酒尊。兼之五柳參差。三槐
瑣碎。有孔明之遺栢。有宣尼之植檜。倒鋪天景。聳幃
幄之高張。遠障炎光。列屏愚之相對。接葉交枝。嘉植
衆類。漲佳氣之鬱葱。惟斯堂之晴翠。迨夫名葩嫩蕊。
間杏錯桃。蓄薇呈豔。芍藥妬嬌。破胭脂于露萼。點腥
血于風梢。綴五尺之繭絲。剪百丈之絞綃。宿雨乍收。
暎蜀江之爛熳。曉烟將散。賽金谷之妖嬈。萬紫于紅。
奇芳異品。發新詩之詠歌。快綺筵之賞飲。纖巧妙于
天機。惟斯堂之真錦。嗟夫翠錦非寶。德澤爲寶。高堂
非榮。詩書乃榮。稔聞大家。奕世有聲。惟鼻祖之挺出。
著月旦之鄉評。旣而翁之跨竈。顯虎榜之高名。歷幙
官于南省。動黃閣之貴卿。盡天倫之孝道。宜子孫之
繩繩。撫九人於膝下。感一氣而同生。子獨抱乃長才。
步青雲於修程。馳羽檄乎中書。期萬里之飛騰。豈翠
錦之有兆。實草木之有靈。已乎。乃奉酒歌以爲壽。歌
曰。堂之高兮。旣華且久。翠錦綴名兮。播揚衆口。有祖
有父兮。種德深厚。子孫衆多兮。同生八九。登高堂兮。
爲子壽。聽我歌兮。飲君酒。詩書德澤兮。相傳不朽。於

翠錦乎何有。

賑饑不受官賞爲華子蒼

陳旅

泰伯當年處錫山。身辭大利遠人安。至今邑內高風在。散粟千鍾不受官。

漢法入粟乃得爵。相如亦以貲爲郎。何人不官與侯等。卮茜千畝荻千章。

方二府君宗譜傳

府君諱晞。晉字子昇。第方二。竒五府君第二子。任溫州平陽州判。有政聲。娶黃氏。子一汝彪。

府君次韻莊子正吳門道中

客子扁舟歸正好。清江長是水縈迴。村南田父荷鋤去。柳外漁船沽酒來。潮落海間千頃合。風生天際片帆開。山中見說曾招隱。爲怕聲名重栢臺。

又次韻甘泉先生夜雨

西風吹起怯衣單。濕透紗窓燈影寒。簷外蕭蕭滴脩

竹堦前點點到危闌。不愁清夢三更破。惟恨黃花一
夜殘。惆悵秋光此回盡。東籬無復把盃看。

又次韻以愚弟歸田雜詩三首

追思昔日閒庭院。簾幙底垂白晝長。好客會時投轄
飲。高歌不減杜韋娘。

昨夜東風山雨來。野花無數近人開。孤舟忽向溪頭
泊。買取白魚供酒盃。

昔日此爲佳麗地。只今茆屋始參差。拾除瓦礫開新
圃。將引藤蘿上短籬。

東湖府君宗譜傳

府君諱晞顏。字以愚。號東湖。奇五府君第三子。賦性
穎悟。自幼篤志於學。治麟經。工文辭。雖生富饒。處儉
約。不渝素志。尤篤于孝友。少卽負重名。入國學。從宇
文公諒游。若丞相周伯琦輩。皆締好如金石。洪武初
辟本府訓導。以病告歸。隱居東湖。賦詩自娛。格律高
古。音調清絕。間畫山水亦善。葺宗譜傳芳集。以垂後
所著有東湖集。事載郡邑志中。生元皇慶二年七月
廿一日。卒洪武三十一年四月廿九日。年八十六。娶

錢氏繼徐氏。葬父塋之側。子汝立汝器。

菊西艸堂記

東湖叟客毘陵郡庠幾二載。辛亥冬告病歸里。明年植菊數本于一瓢軒之東溝。又明年結艸堂三楹於其西。落成而九日至。隣曲耆老咸攜酒載過而勞之。酒再行。客有舉盃而問焉者。曰先生之名堂也。奚以。余笑曰。夫古者命名。或以自警。或以錫訓。或以誇美。而志喜。或以寓物適情。而肆志。名雖不同。然其命意未始不同也。今吾耄矣。知非之年。逝不我與矣。將奚以自警耶。吾德日以衰。而跡日以晦者。若此。言行之不古若者。又若此。將奚訓是錫耶。吾廬不過茅簷篠桷。蒿戶甕牖。僅蔽風雨而已。將奚美是誇耶。彼少陵之浣花。周子之蓮坡。仙之雪。與夫此君綠陰者。得非寓物而適情者耶。吾無間然矣。斯堂也。左竇乳。右西神。具區浮其前。芙蓉偃其後。大者不可企。遠者不可卽。若乃簷楹之餘地。用弓而度之。其廣不能六七。而東枕清溝。溝之旁。爲黃。爲白。爲丹。爲碧者。皆菊也。晝寫風滿。夕弄寒月。燦燦菲菲。舉不遺吾戶牖之門。吾

將掇幽芳。倚空翠。咏彭澤之詩篇。漱顏瓢之濁醪。日
頽乎其下矣。又奚取于外哉。且菊之爲物。敷榮于衆
芳。銷歇之餘。傲睨霜雪。而不以易節。豈非先得我心
之所同然者耶。昔淵明采菊于東籬。而見南山之秋
色。寄傲于東軒。而賦秋菊之忘憂。則詩所謂艸屋八
九間者。宜在菊之偏也。明矣。吾亦將名吾堂曰菊西
草堂焉。蓋亦寓物而適情者也。而吾子謂何。客喜而
舉觴壽余者再。余亦醉客而歌曰。春暉暉。耻與爭菲。
秋肅肅。温其如玉。而德日以馨。而節日益貞。環吾居
兮。散繁英。掇英激醪兮。聊銷我之幽憂。詠歌寄傲兮。
終吾生以優游。

題以愚甕區

趙仲穆

聞說齋居徒四壁。雕機不露若天成。蘚痕積翠秋煙
濕。燈影涵虛夜月明。未許懸壺同市隱。有時擊缶度
秦聲。知君自得遙空意。三尺匡牀萬古情。

寄東湖先生

倪元鎮

扁舟溪上數來過。對雨情懷復奈何。柳絮如煙迷遠
浦。杏花飛雪點春波。林泉有客圖丘壑。石室何人帶

女蘿欲和華山道士曲。羈愁悽斷不成歌。

送東湖歸田

黃著

海內煙銷兵甲稀。九龍山下夢依依。十年旅館思鄉恨。一舸風帆帶月歸。舊里兒童忻有待。故園花柳惜應非。惟餘第宅終堪隱。夜雨春林筍蕨肥。

又

王鳴吉

孝子祠前乘扈啼。東臯歸趁早扶犁。雲邊書劄春湖濶。花外山橋草閣低。倦客歲華年老大。到家鄉土意淒迷。綠陰滿地編書坐。不遣飛塵過馬蹄。

第九世

栖碧處士華公誌銘

俞貞木

處士姓華氏。諱幼武。字彥清。號栖碧。曾祖友。聞監稅無錫。祖璞。潛德弗仕。考鉉。仕任都事。妣陳氏。寡居三十餘年。有司以貞節上聞。旌表門閭。處士性溫厚而孝。自六歲喪其父。事母甚恭謹。幼時嘗與群兒戲于庭。聞母語及生平事。遂捐所戲而慟。母問之。具言所聞痛切。于是母亦泣下。家人嗟異之。既長。奉其祖篤孝敬。祀亦鍾愛之。每與人言。必指之曰。他日繼我者。

在此孫也。及祖卒哀痛如禮。事其仲父如父。因顏其堂曰順德。一門共爨。怡怡如也。仲父既歿。群從兄弟欲析產異居。處士嘆曰。何苦若是。吾豈較乎。且財有盡而義無窮。吾惟長者之命是聽。其昆季或有所爭。每作詩貽之。使之自愧。終弗辨也。訓子孫必稱祖德。凡所經營。一遵祖訓。嫁女則手書女誡以訓之。使執婦道。毋年逾六旬。病而喪明。傾貲修藥。不能愈。日增憂苦。毋曰吾老矣。當自遣。無足憂也。于是召親媼與其毋愛敬者。歡會無虛日。惟冀毋之忘其疾苦。家燬于火。處士適在郭。聞之馳騎歸。見毋無恙。心始釋然。他不問也。其後仍構貞節堂。春草軒以奉養。時毋年已七十餘矣。力可以娛其親者。無不爲之。尤篤於尊賢取友。侍講黃文獻公晉卿。承旨張潞公仲舉。尚書于公壽道。翰林段公吉父。李公一初。著作李公季和。遂昌陳明德。京口陳子貞。吳郡陳子平。方外張伯雨。皆忘年折節與交。處士皆以嚴事之。故其上世懿美。皆樂爲之紀述而歌咏之也。所以處士之學日進。名聲藉藉。諸公卿間。宗黨咸推仰之。其居家愷悌。下至

臧獲亦罕逢其怒。見寒餒無依者輒戚戚然。識與不識必思濟之。於宗姻故舊歲時贈遺有常。凡有寄托於處士者終身不渝也。性不嗜酒。待賓客必酬酢盡歡。或有援之仕者力辭不就。其母亦以都事君出而嬰疾。不喜遠游。况嗣續之重在處士一身。一則承順親志。一則其天性澹泊。亦不汲汲于進取。晚年避地姑蘇。雖客居亦隨力施予。嘗語諸子曰。艱難一聽於天。幸亦無甚患也。其心志槩可見矣。卷八

于家取問余居碧山之意。別號栖碧。學者稱爲栖碧先生。生元大德五年十月初六日。卒洪武八年正月十八日。年六十九。配鄧氏。先四十年卒。繼顧氏。肅恭閨闈。勤儉克家。賢而能相其夫。奉姑孝順。子男七人。完鞞。棕鞞。茶鞞。同鞞。隆鞞。恒鞞。文鞞。女五人。葬壽山父塋之西。嗚呼。處士之先世籍厚貲。或仕或隱。皆積善好施。至處士讀書好禮。謙退自下。蓋不以富而驕逸也。孝義之行人所共推。雖才不見用于世。而卒能保身令終。况有子孫能繼述哉。謹敘而銘之。銘曰。嗟

君熒熒蚤失怙。鞠育撫養藉賢母。詩書教誡敬遵祖。迨夫成人友是輔。博學善藏類良賈。澹然冲襟倦進取。唵哦詩章窮纂組。宮商相宣見辭吐。厥德允修蹈規矩。不奢不驕人莫迓。孝義之行若陽煦。壽考以終在衡宇。子克承家有餘佑。羅村之原曰堅土。深藏固密永終古。

春草軒記

張翥

華爲毘陵望族。都事君子舉。初以才薦。得宿衛武宗朝。勤敏靖共。著稱環列。居無何。告病南歸。歸五月而卒。年二十有六。夫人陳氏。長君二歲而寡。子幼。武甫六歲。乃以守志自誓。屏膏沐。躬饋祀。事舅姑。盡敬養之道。待姻族。盡敦睦之禮。治家業。盡艱難之勞。使都事君之緒。引而無替。藐焉諸孤。教撫成立。爲賢子。子復四孫。皆嶄嶄知讀書。歲時奉觴前。爲壽。夫人神清氣強。宴怡以樂。州里相與嘆美。爲狀其實。有司聞于朝。表其門曰貞節。嗚呼。天子貞賢之報。必至此而後申之也。惟幼武每痛先人蚤世。嗣續幾絕。微夫人將無以至于今休。乃構堂曰貞節。軒曰春艸。堂則夫人

居之。軒則幼武奉親之所周旋也。於是翰林黃公銘其堂。顧謂是軒不可無記。來請于余。余觀天地之間。茫然而生。廡然而滋者。惟草爲多。而爲物固微也。方其土膏脉發。勾析萌達。孰非陽春之所育。暉光之所被。而一寸之心。亦得天地之心以生。則是草宜亦有報春暉之心矣。彼葵藿之傾太陽。君子謂其向之者誠。而况人乎。况於孝子慈孫乎。昔孟東野發興于慈母之線。游子之衣。而致意于難將寸草心。報得陽春暉之語。深得古風人之旨。讀是詩者。孝感之心。油然而生矣。然以規游子可也。今幼武家居奉母。雍雍軒中。而猶取于此。則其報親之心。無窮期也。無窮期也。心果止是乎哉。必也孝子潔白如雅之白華。使其身立其名揚。其身顯。所以期于子者。又在乎此。不旣重且遠歟。幼武起謝曰。然。遂爲之記。

春草辭

楊維禎

春暉庭下春雲煖。春草軒前草長短。中有百歲宜男花。一色青蚨綴枝滿。青蚨子母不斷恩。艸有靈芝生孝門。春暉照人春不老。芝草闌干芝有孫。當時夢生

芝草綠。瓊圃琅玕棲別鵠。孤兒日長草忘憂。錦棚護
兒如護玉。春菲菲。草油油。千金駿馬五花裘。吁嗟兒
兮無好遊。銅駝陌上春風愁。艸萋萋。春杲杲。游子歸
來在遠道。庭前何以報春暉。身上青袍照春草。

詩

段天祐

春草軒前好花柳。華君奉母來飲酒。吹笙伐鼓歌嬋
娟。華君捧觴母長壽。吁嗟世人皆有母。華母辛苦世
無有。韶年來登君子堂。縫紵衣裳事箕箒。結襦而後
五見春。君子去爲觀國賓。尊章已老兒幼稚。主張門
戶在一身。星霜荏苒歲年變。君子歸來命如綫。文窓
愁絕舞鏡鸞。綉梁悽斷傳書燕。晝日悲號夜飲泣。萬
感攻中百憂集。銜哀茹痛強自持。顧護孤兒到成立。
孤兒成立稱率君。能詩能禮兼能文。清溫甘旨具朝
夕。純孝之名鄉黨聞。德音汪濊降天恩。桓表亭亭樹
閭里。從此鄉人謂華君。非有此母無此子。華君惓惓
返哺情。四顧世上丘山輕。升堂日誦孟郊句。開軒手
題春艸名。春陽一日被百艸。大藜小藜顏色好。華君
願作芝。與蘭披秀杼。英發天藻。芝爲世瑞。蘭國香采。

華氏傳芳集 卷二 五
之。擷之。貢明堂。願言持此報春暘。

又

高明

藿藿庭際草。皜皜陽春輝。淑氣播嘉澤。勻萌悉榮滋。
玄化雖無言。寸草心自知。常恐霜露零。春暉報無時。
願言慈母線。永託遊子衣。衣線有零落。毋恩無終期。
築室在近郊。開軒面平岡。前楹列賓友。中房鼓琴簧。
綵服及春日。奉觴升華堂。醴酒既嘉臬。肴蔬亦芬芳。
流景雖易邁。春暉豈能忘。竭此寸艸心。以慰慈顏康。

又

宇文諒

青陽播淑氣。百卉生華滋。光風一披拂。藹藹浮春暉。
幽芳澹露曉。秀色含煙菲。迺知造化心。玄澤無停機。
伊人蚤失怙。撫育仰母慈。高門賴扶植。况復蕃孫枝。
清時表宅里。巨扁揭華楣。開軒俯平綠。每懷貞曜詩。
念茲心罔極。欲報心無涯。堂前樹護艸。堂下羅斑衣。
願言勤愛日。永與莊椿期。

又

陳遠

華軒結構幾經春。艸色當軒歲歲新。曉翠冥蒙天外
雨。煖香芬馥戶間塵。金盃飲後慈顏悅。綵袖翻時樂

意真爲爾題詩倍惆悵。天涯多少遠游人。

又

閻相如

草有一寸心。人有方寸地。華君各其軒。中有無盡意。陽和遍九垓。草舞春風翠。大視同一仁。與我復何異。性情本天然。孝子心不遺。願將華子誠。永錫及爾類。

栖碧軒詩

葛可久

層軒東西山色青。竹光與之來前楹。閒雲晝垂簾幙影。好風時和絃管聲。客歸庭院綠陰靜。夢斷池塘春艸生。何用深居入林壑。此中自足捐浮名。

又

俞叙鉉

天風披拂薜蘿衣。雲卧軒窓碧四圍。滿地落花春寂寂。一簾空翠晚霏霏。青蓮居士今何在。芳艸王孫竟不歸。寄語東山謝安石。平生雅志莫相違。

送華彥清還長洲

高克輝

亂後移家似轉蓬。更緣多病易成翁。船開白水孤城外。衣濕黃梅細雨中。花下詩篇留客和。窓前碁局與誰同。杜陵極有還鄉思。舊種膏腴在灤東。

又

姚翥

平生不識栖碧翁。移家避地俄相逢。襟懷似欲向人
盡。聲價不與凡流同。投老詩篇猶爛熳。遣愁碁局每
從容。月明後夜思君處。夢遶婁江江水東。

又

曹克讓

避地南沙擬卜居。相逢愧我百無如。能忘喪亂情懷
惡。肯放交游禮法疎。古鼎燃香留客共。新詩得句遣
兒書。明朝又復移家去。若箇青山好結廬。

又

高廉

舟發平津水荇香。情雖在別不堪傷。行攜老稚原非
客。居有親知不異鄉。里過蠶時田雨足。路當梅候渚
風涼。躬畊願作南陽侶。豈爲安車出艸堂。

開二府君宗譜傳

府君諱貞玄。字士貞。第開二。上一府君長子。性度洒落。不事庸俗。知經史大義。聞義勇爲。見事有不平者。輒面折無隱。而孝友之道不悖焉。生元至治元年正月初九日。卒洪武三十二年正月初七日。年七十九。娶錢繼張氏。葬于三承事墳後。子端平。端顯。

爲從姪士貞作武陵山居圖并賦

東湖

昔我伯父官維揚。去思在郡民不忘。歸來解組絕塵鞅。便欲徃從張子房。岐書攤架雲發牕。丹砂伏鼎龜

支牀。鄕民在昔多病癩。妻孥泣告求神方。慨然投劑
禱神功。曾不期月俱平康。陰功積累世莫及。翩然騎
鯨遊八荒。由來德澤垂後裔。嫡孫貞也承其秘。藥成
豈不一二價。活死扶衰罕言利。余自蘭陵抱病歸。太
守命我求良醫。親舊相過共稱述。爾有佳姪將安之。
遂來投藥奏奇効。秋涼已可扶青藜。偉哉斯術不可
孤。爲作董奉山居圖。圖成貧叟不足慮。便須結屋東
隣居。他年種杏不計株。長時買粟成屠蘇。屠蘇濟貧
藥。濟病更遣賸。植周吾廬。丹霞燁燁護虛幌。紫芝金
菌生階除。老夫花底醉終日。慎勿驚起黃於菟。

府君梅菟柳眼詩二首

暗香疎影冰霜操。清氣飛遊與鳧間。彷彿出神臨庾
嶺。朦朧和影向孤山。或隨東閣陰風去。又借南枝暖
氣還。夢覺羅浮情未斷。欲招只在有無間。
雪晴嬌態困酣來。始綻金芽蓓蕾胚。隋岸煙濃渾欲
閉。章臺霜冷未全開。三眠春晝懶初起。九烈秋波喜
乍迴。昨日柔條沾細雨。翠眉低歛淚盈腮。

禮一府君宗譜傳

府君諱沅字文楚第禮一。彥揚府君長子。生平長于詩。優于禮。生元至治二年五月二十日。卒洪武十九年六月初七日。年六十五。娶楊氏。葬呂店橋慶十墳。西子三宜寧宣。

府君和梅菟柳眼詩

庾嶺花神初睡起。水邊隱約弄冰姿。却疑西子沉淵後。曾入逋仙醉夢時。暗逐東風來小圃。還隨鴈雪到南枝。玉容冷落知何處。空使詩人賦楚詞。

華以傳芳集 卷二 三
深鎖愁眉帶宿醒。騰騰困倦倚雲屏。侵晨合雨臨溪岸。和淚窺人近驛亭。初見欲開呈淺碧。細看微曉露新青。不堪折贈行人去。爲恐三眠尚未醒。

阜二府君宗譜傳

府君諱宗亨。字彥義。第阜二。裕一府君次子。爲人尚禮義。好讀書。尤善吟詠。有俊逸才。生元至治三年九月二十日。卒至正十一年。年二十九。娶周氏。繼錢氏。子一觀。

府君夜讌作

縹壺盛酒瀉葡萄。公子飛觴意氣豪。皓齒緩歌金縷曲。素纖低按紫檀槽。吳橋破霜香落爪。江魚碎鱗玉生刀。莫愁新月清光細。花下歸來絳燭高。

卧雲府君宗譜傳

府君諱宗文字景彰。號卧雲。上五府君長子。為人格守故家模範。能詩文。善於筆翰。生元泰定元年五月廿七日。卒洪武二十三年二月廿七日。年六十七。娶鄒氏。葬奇二墳西。子二。約經。

卧雲歌

馬治

卧雲叟。山中人。象牀雕房曾足珍。棄之不顧錦繡裯。高卧野鶴巢吾隣。千松寥寥一榻陳。與雲卷舒時屈伸。朝夢三千春。夕夢三千秋。雷鳴鼻中息以勻。聞風

飄飄浮衆真。覺來獨卧空山雲。綿崖亘谷紛氤氲。倏
忽變化何其神。退藏于密起膚寸。談笑可以靄八垠。
兩四海。光三辰。芙蓉晴開紫翠文。少霞出海飛窓塵。
下窺五岳撫吾枕。七十二峯來相親。九龍涵淵吐華
津。容顏如丹髮如銀。有時沐咸池。晞扶桑。歸來卧雲
雲滿身。勦勦萬事不復論。鴻蒙希夷等誰倫。卧雲叟。
山中人。

又

何文信

岩嶷九龍峯。宛在太湖東。幽人白雲中。雲氣四合山
濛濛。千崖萬壑窅難測。雲深何處尋行迹。無心出岫
卷復舒。山自青青雲自白。此時幽人正臥雲。紛紛世
事耳不聞。蒼生久失霖。雨望白日願。友麋鹿群。幽人
六十年未老。河車灌髮顏長好。何時分我雲半間。擬
結茅廬種瑤艸。

詩

木景芳

幽棲結屋倚岩巒。松頂浮雲覆石壇。氣拂衣裳身自
濕。潤蒸衾影夢常寒。思親不用終朝想。憶弟偏宜白
日看。一旦從龍行雨去。高人長嘯起林端。

又

張仲常

山人疎散愛雲巒。盡日高眠懶整冠。自爾無心從蝶化。不應有跡護龍蟠。滿身秋影蒼濤湧。一榻松陰白晝寒。擬欲操觚來遠訪。氤氳惟恐隔前川。

又

金文徵

門外層雲擁雪濤。誅茅曾傍此林皋。自甘白首藏鴻室。只許青山護鶴巢。逸興倦隨神女夢。寤歌長讀楚人騷。尋真咫尺蓬萊近。不用仙橋駕九鼇。

嗣六府君宗譜傳

府君諱滿。字彥容。第嗣六。淳七。府君第三子。丰儀瀟爽。識度弘遠。樂從賢士大夫遊。尚文雅。今子孫皆能趨善而為吉人。繩繩不替。蓋由其所積也。生元泰定元年六月十四日。卒洪武三十三年八月十八日。年七十七。娶朱氏子六。思明。思溫。思忠。思恭。思敬。思義。

全三府君宗譜傳

府君諱汝立。字學可。第全三。東湖府君長子。素承家訓。克循詩禮。生元元統二年二月三十日。卒洪武六年十一月十一日。年四十。娶謝氏。葬祖塋。子謨。諱謚。

府君奉和伯父喜雨感懷四首

茅簷一夜雨聲喧。忽見新秧綠滿田。此去西成已堪望。更須莫惜杖頭錢。

屋頭栽桑桑葉綠。籬邊種麻麻本長。持筐冒雨採葉去。勤紅可是羅家娘。

雲暗西山雨復來。滿空陰翳忽然開。平原百里俱沾
足。不廢天瓢水半盃。

長憶東軒紅藕花。每臨荒沼淚交加。先翁笑語不復
見。夜夜寒螿泣露華。

長樂堂
馬壽山

